

# MINISTERYO TAYO ED PANARIAN

## HULYO 2011

### SIMBA NA HULYO 11

Kanta 34 tan Pikakasi

#### Panagural na Kongregasyon ed Biblia:

cl kap. 7 ¶9-17 (25 min.)

#### Eskuelaan Parad Ministeryo:

**Babasaen ed Biblia:** Salmos 69-73 (10 min.)

**No. 1:** Salmo 72:1-20 (4 min. o mas antikey)

**No. 2:** Anto so Epektibon na Panarian na Dios ed Saray Gobierno na Too?—rs-E p. 227 ¶1-2 (5 min.)

**No. 3:** Saray Leksion a Naaralan na Saray Kalangweran ed si Arin Hezekias tan Josias (5 min.)

#### Pantitipon Parad Panagserbi:

Kanta 79

**5 min:** Saray Pakabat.

**10 min:** Mantepet Pian Epektibon Makapanbangat—Parte 3. Paliwawa base ed libron Eskuelaan Parad Ministeryo, pahina 239. Idemostra ed antikey so sakey odino duaran punto ya apantongtongan.

**10 min:** “Magmaliw a ‘Maabagey.’” Tepet tan ebat.

**10 min:** Seguroen Iray Mas Importantis Bengatla. (Fil. 1:10) Interbioen so sakey odino duaran ulo na pamilya ya regular tan maseseg a manpulalong anggaman full-time ed trabaho odino dakerel so responsabilidad da ed pamilya. Panon dan nipapanaon so panagpulong anggaman okupado ra? Panon ya akatulong ed sikara tan ed pamilya ra so regular a pampulalong?

Kanta 73 tan Pikakasi

### Magmaliw a ‘Maabagey’

<sup>1</sup> Natan ni labat ya agawa a kakkaukolan na dakerakel a totoo so panangabagey. Lapud lalon onloloor so kipapasen ed mundo, amayamay so naeermenan, nadi-depress tan naaandiay ilalo. Kaukolan na minilyon a totoo so tulong, tan bilang Kristiano et nepeg ta-

1. Antoy kakkaukolan na totoo natan?

yon ipanengneng a talagan iyaansakit tayo ray kaparan totoo. (Mat. 22:39; Gal. 6:10) Panon tayon nipanengneng itan?

#### <sup>2</sup> Kimey a Pakapatnagay Panangabagey:

Anggapo lay arum a lapuan na tua tan magnayon a ligliwa noag say Dios. (2 Cor. 1:3, 4) Papasesegen itayo nen Jehova ya aligen so “panangabagey” to tan igaganggan to itayon ipulong so maong a balita na Panarian ed saray kaparan too. (1 Ped. 3:8) Say makulin pibibiang ed sayan kimey so sinkaabigan ya paraan pian naligliwa tayo ray “maermen,” ta say Panarian na Dios labat so tuan ilalo na maniirap a totoo. (Isa. 61:1) Lapud panangabagey nen Jehova ed totoo to, magano to lan ekaley kaugsan tan iletneg so matunong a balon mundo.—2 Ped. 3:13.

#### <sup>3</sup> Aligey Panmoria nen Jesus ed Totoo:

Anggan sanen manpupulong si Jesus ed dakerel a totoo, agto ra labat inimano bilang grupo. Imbes, inisip toy espiritual a pankaukolan na kada indibiduwal. Singa ra karneron anggapoy pastol a mangigiya. Sanen anengneng ira nen Jesus, naabagey tan maan-anatos ran imbangat. (Mar. 6:34) No aligen tayoy panmoria nen Jesus ed totoo, napaseseg tayon mangabagey ed sikara bilang indibiduwal. Nalikas iya ed tonaday boses tan ekspresion na lupa tayo. Magmaliw lan prayuridad tayoy manpulong tan nitukoy tayoy ibaga tayo base ed personal a pankaukolan na kada indibiduwal.—1 Cor. 9:19-23.

<sup>4</sup> Dakerakel a totoo manlapud amin a nsyon so ondedengel ed mensahe na Panarian tan onkikiwas lapud impanengneng ya interes ed sikara. Legan tayon itutultuloy ya ipatnag so panangabagey, nirarayew tan napapaliket so maabagey a Dios tayon si Jehova.—Col. 3:12.

2. Antoy sinkaabigan a paraan a nipanengneng tayoy panangabagey?
3. Singa si Jesus, panon tayon moriaen so totoo?
4. Akin et nepeg ya maabagey tayo?

## SIMBA NA HULYO 18

Kanta 98 tan Pikakasi

### Panagral na Kongregasyon ed Biblia:

cl kap. 7 ¶18-22, kahon ed p. 75 (25 min.)

### Eskuelaan Parad Ministryo:

**Babasaen ed Biblia:** Salmos 74-78 (10 min.)

**No. 1:** Salmo 77:1-20 (4 min. o mas antikey)

**No. 2:** Saray Paraan a Nasumpa Tayo so Diablo—Sant. 4:7 (5 min.)

**No. 3:** Pasantoen na Panarian na Dios so Ngaran nen Jehova—rs-E p. 227 ¶3-5 (5 min.)

### Pantitipon Parad Panagserbi:

Kanta 130

**5 min:** Saray Pakabat.

**15 min:** Antoy Naaralan Tayo? Paliwawa a mankomento iray dumerengel. Basaen tan pantongtongan so Juan 4:3-24. Konsideraen no panon tayon naalig si Jesus ed ministeryo. Insan ipademostra ed sakey a manangipalapag so realistikon impormal a panagtasi.

**15 min:** “Kasin Akaparaan Iray Anak Yo?” Tepet tan ebat. Tepeten iray atateng tan kalangweran no antoray espisipikon problema ya naaabet dad eskuelaan. Kayarin pantongtongan so parapo 3, ipademostra so sakey a panagpraktis, ya say ama et onakton maestro tan ipaliwawa na anak no akin ya agmakanibiang ed sakey a kuestionablin asainmin odino aktividad.

Kanta 91 tan Pikakasi

## Kasin Akaparaan Iray Anak Yo?

<sup>1</sup> Ginmapo lamet so sakey taon a paneskuela na saray ugugaw. Seguradon wala lamet iray naeksperiensya ran subok tan desdes. Panganawnawa da met a ‘tasian so katuaan.’ (Juan 18:37) Kasin akaparaan ira?

1. Akin et kaukolan a manparaan iray maneeskuela?

<sup>2</sup> Talaga kasin natatalosan na ananak yo no antoy labay ya ibaga na pibibiang ed saray nasyonalistikon seremonya tan paganon selebrasyon tan no akin et mauges so pibibiang ed saratan? Akaparaan la ra kasi ed saray desdes a singa say pangala na atagey a kurso, pidi-date, tan pan-inum na alak odino pandruga? Basta da labat kasin ibaga ya bawal iratan ed relihyon da, odino amta ran ipaliwawa so sisisiaen da?—1 Ped. 3:15.

### <sup>3</sup> Usaren so Panagdayew na Pamilya ed Labi:

Siempre, legan na interon taon na paneskuela ra, nayari yon pantongtongan iray probleman naaabet na ananak yo. Balet, no masakbay yo lan pantongtongan iratan, nawaalan iray kompiyansa ed sarili ra. Agta maabig no usaren yoy sakey odino duaran eskediyul na Panagdayew na Pamilya yo parad saratan? Nayari yon tepeten iray anak yo no anto ray problema rad eskuelaan. Saramay apantongtongan yo nen katantaon et nayari yon repasoen natan ta mas baleg la ra tan mas dakel lay amta ra. (Sal. 119:95) Sarag yoy mangilaktip na panagpraktis, ya onakto kayon maestro, guidance counselor, odino kaklase. Ibangat yo ray anak yon usaren so Biblia tan arum ni ran libro a singa say *Reasoning* tan *Young People Ask* sano onebat. Say gagawaen na sakey ya ateng ed kada gapo na pan-eskuela et ipapasal to ray anak to no panon dan ibaga ed saray balo ran maestra ya Tasi nen Jehova ira.—Nengnengen so *Say Panag-bantayan*, Disyembre 15, 2010, pahina 3-5.

<sup>4</sup> Legan na sarayan kaunoran ya agew, lalon “mair-irap” iray subok a nadadalanan na saray Kristianon kalangweran. (2 Tim. 3:1) Kanian, iiisipen lan unona na saray makabat ya atateng no antoray posiblin naabet da. (Uli. 22:3) Diad sayan taon na pan-eskuela na ananak yo, gawa yoy anggaay nayarian yon iparaan ira.

2. Pian akaparaan iray anak yo, antoy nepeg dan naamtaan?
3. Antoy gawaen na saray atateng ed Panagdayew na Pamilya pian niparaan iray anak da?
4. Antoy nepeg a gawaen na saray makabat ya atateng?

## SIMBA NA HULYO 25

Kanta 97 tan Pikakasi

### □ Panagaral na Kongregasyon ed Biblia:

cl kap. 8 ¶1-8 (25 min.)

### □ Eskuelaan Parad Ministeryo:

**Babasaen ed Biblia:** Salmos 79-86 (10 min.)

**No. 1:** Salmo 84:1-85:7 (4 min. o mas antikey)

**No. 2:** Pankakasakeyen na Panarian na Dios so Amin a Pinalsa Diad Puron Panagdayew—rs-E p. 228 ¶1-2 (5 min.)

**No. 3:** No Akin ya Anggapo ed Saray Demonyo so Ateista—Sant. 2:19 (5 min.)

### □ Pantitipon Parad Panagserbii:

Kanta 70

**5 min:** Saray Pakabat. Salambiten so opresin literatura parad Agosto tan paide-mostra so sakey a presentasyon.

**10 min:** Manpupulong Anggaman Male-tey so Laman. Paliwawa a mankomentoy dumerengel base ed 2011 Yearbook, pahina 64, parapo 1-2, tan pahina 69, parapo 1. Tepeten iray dumerengel no antoy naaralan da.

**20 min:** "Saray Magasin Tayo—Denisinyo Parad Dakel a Bumabasa." Tepet tan ebati. Kayarin pantongongan so parapo 2, manggana na sakey minuto pian konsideraen so karga na Agosto ya Awake! Insan kerewen ed saray dumerengel ya mangisuheri na saray tepet tan teksto ya nausar ed presentasyon, tan ipademosta no panon ya iyopresi so Awake! Ontan met so gawaen ed Agosto 1 ya Watchtower kayarin pantongongan so parapo 3.

Kanta 134 tan Pikakasi

## Saray Magasin Tayo—Denisinyo Parad Dakel a Bumabasa

<sup>1</sup> Singa si apostol Pablo ya intukoy toy paraan na impangipulong tod maong a balita pian nasagyat so "amin a klase na totoo," uusaren na matoor tan makabat ya aripen iray publikasyon tayo pian napasabian so toton nandurumay nanlapuan tan sisiaen da.

1. Panon ya aaligen na matoor tan makabat ya aripen si apostol Pablo?

(1 Cor. 9:22, 23) Pian epektibo tayon nausar so *Say Panag-bantayan* tan *Awake!*, kaukolan ya amta tayo no parad siopa irayan magasin.

<sup>2</sup> **Awake!:** Sayan magasin et parad saray totoo a miparad saramay tinawag nen apostol Pablo a "lalakin taga Atenas." (Gawa 17:22) Saraman a totoo et aliwan Kristiano, tan dagdaiset so amta rad Kasulatan. Mipadpara, say *Awake!* et parad saray totoon dagdaiset odino anggapoy amta rad Biblia. Ompan anggapoy ideya rad saray bangat na Kristiano, nayarin ag-ira tanto manmamatalek ed relihyon, odino ompan agda amta a wala manayay praktikal a nitulong na Biblia. Say manunan gagala na *Awake!* et pian kombinsien iray manbabasa ya walay tuan Dios. Ontan met, denisinyo iya pian pabiskegen so pananisia ra ed Biblia tan pian natalosan da ya duma iray Tasi nen Jehova ed arum ni ran relihyon.

<sup>3</sup> **Say Panag-bantayan:** Say publikon edision na sayan magasin et parad saray manrespeto met ed Dios tan ed Kasulatan. Wala met so amta rad Biblia balet ta aliwan dugay pakatalos dad saray bangat na satan. Mipara irad samay tinukoy nen Pablo ya "ontatakot ed Dios." (Gawa 13:14-16) Say panaralan ya edision na *Say Panag-bantayan* et manunan parad saray Tasi nen Jehova. Inilaloan nen Pablo ya saramay nambasa ed sulsulat to et pamilyar ed Kasulatan tan walaan na suston pikakabat ed katuaan. (1 Cor. 1:1, 2) Ontan met natan, saray artikulo ed panaralan ya edision et parad saray onaatendid pantitipon tayo tan pamilyar ed saray ideya tan termino ya uusaren tayo ran Tasi.

<sup>4</sup> Anggaman duara so iyoopresi tayon magasin, sakey labat ed saratan so iprepresenta tayo. Kalian, kaukolan a pamilyar ka ed kada isyu. Diad ontan et magmainomay mon ipresenta so anggan dinan a punton paninteresan na nakatongtong mo.

2. Parad siopa so *Awake!*?
3. Parad siopa so kada edision na *Say Panag-bantayan*?
4. Akin et kaukolan a pamilyar tayo ed kada isyu na magasin ya iyopresi tayo?

## SIMBA NA AGOSTO 1

Kanta 31 tan Pikakasi

### □ Panagaral na Kongregasyon ed Biblia:

cl kap. 8 ¶9-16 (25 min.)

### □ Eskuelaan Parad Ministryo:

**Babasaen ed Biblia:** Salmos 87-91 (10 min.)

**No. 1:** Salmo 89:26-52 (4 min. o mas antikey)

**No. 2:** Saray Rason no Akin a Maliket Iray Matoor a Lingkor nen Jehova (5 min.)

**No. 3:** Sigpot ya Ekalen na Panarian na Dios so Guerra tan Kaugsan—rs-E p. 228 ¶13-p. 229 ¶12 (5 min.)

### □ Pantitipon Parad Panagserbi:

Kanta 131

**10 min:** Saray Pakabat. Diad pangusar ed pangaligan a presentasyon a walad sayan pa-hina, paideomastra no panon a nigapo so panangiyaral na Biblia diad unionan Sabado na Agosto. Pasesegen so amin a mibiang.

**15 min:** Mangusar na Saray Ilustrasyon a Mangibangat. Paliwawa a mankomenton dumerengel base ed libron *Eskuelaan Parad Ministryo*, pahina 240-243. Kerenew ed saray dumerengel a mangiter na antikey ya ilustrasyon ya epektibo da lan nausar ed panagkab-kaabungan odino panangiyaral na Biblia.

**10 min:** Lokal iran pankaukolan.

Kanta 129 tan Pikakasi

## Saray Pakabat

■ Opresin literatura ed **Hulyo tan Agosto:** Anggan dinan a brosyur so nayarin iyopresi. Balet no posible, maabig no ipresenta iray balon brosyur ya *Pinalsa Kasi Bilay?* tan *The Origin of Life*. **Setyembre:** Anto so Peteg ya Ibabangat na Biblia? **Oktubre:** Saray magasin a *Panag-bantayan* tan *Awake!* No interesado so nakatongtong, iyopresi so tract ya *Kasin Labay Mon Naamtaan so Katuaan?* tan panggunaetan ya igapo so panangiyaral na Biblia.

■ Say October 2011 ya *Awake!* et espisyal ya isyu a mangiparungtal ed seryen “No Panon a Napabaleg ya Responsable Iray Anak.” Ma-abig no ipawit yo lay order na kongregasyon yo pian magenap so nausar yo diad satan a bulan.

## Pangaligan Iran Presentasyon

### Pangigapoy Panangiyaral na Biblia ed Unionan Sabado na Agosto

“Nanduruma so relihyon tan paraan na pangadayew ed Dios na saray totoo. Parad sika, anto kasi nalilikna na Dios ed satan? [Abuloyan ya onebat.] Imanom no antoy imbangat nen Jesus nipaakar ed satan.” Iderew so sakey a kopya na Agosto 1 a *Watchtower*, insan pantongtongan so unionan tepet tan ebat ed pa-hina 16 tan basaen so anggan sakey a nisitas ya teksto. Iyopresi iray magasin tan iyesked-yul so ipawil pian konsideraen so ebat ed on-tumbok ya tepet.



**THE WATCHTOWER® Agosto 1**

“Nepeg kasin ibangat ed saray anak so nipaakar ed Dios anggan angkelag ni ra, odino mas maabig no alagaren ni ran ombaleg pian sikara lay makapanpili na relihyon da? [Abuloyan ya onebat.] Imanoen so imbilin na Biblia a kaukolan a gawaen na kaamaan. [Basa-en so Efeso 6:4.] Walaray suhestion ed sayan magasin no panon a nibangat na atateng ed saray anak so nipaakar ed Dios.”

### Awake!® Agosto

“Labay kon alaen so opinyon yo ed sayan bersikulo. [Basaen so 1 Samuel 16:23.] Ipap-nengneng na saya ya baleg so nagawaan na musika. Parad sikayo, walara kasi kansion ya mauges so epektivo to? [Abuloyan ya onebat.] Ipapaliwawa na sayan magasin no panon ita-yon makapanpili na maabig a musika tan no panon tayon natulongan iray anak.”

## Maabig Iran Report ed Serbisyo

Walay apatiran balon *peak* ed Marso! Say balon bi-lang na manangipalapag tayo et 173,242. Niarum ni, walay balon *peak* diad impangipalima ed saray magasin, panagpawil, tan panangiyaral na Biblia. Diad san-kaunaan ya panganawnawa, masulok ya 1 milyon so ginawan panagpawil, tan say inkonduktan panangiyaral na Biblia et 189,973, a mas atagey ni na 11,165 kompara nen Marso 2010.